

# ՀԲԸՄ ՀՎՀ. ՀԵՐԹԱԿԱՆ ՀԱՆԳՐՎԱՆՆԵՐԸ՝ ԲՐԱԶԻԼԻԱ ԵՎ ԴԱՆԻԱ

ՀԲԸՄ Հայկական վիրտուալ համալսարանն (ՀՎՀ) ընդլայնում է իր հասանելիության շրջանակներն ու աշխարհագրությունը: ՀՎՀ հիմնադիր և նախագահ Դր. Երվանդ Չորյանն անձամբ այցելում է աշխարհի հայաշատ համայնքներ ու ներկայացնում համալսարանի ծրագրերն ու ձեռքբերումները: Վերջին երկու հանգրվանները Բրազիլիայի և Դանիայի հայկական համայնքներն էին:



Դր. Չորյանն այցելեց Դուբայի դպրոց

### ԲՐԱԶԻԼԻԱ

Վերջերս Բրազիլիա կատարած այցի շրջանակներում Դր. Չորյանին հյուրընկալեց ՀԲԸՄ Սան Պաուլոյի մասնաճյուղը: Տեղի հայ համայնքի ներկայացուցիչների և երիտասարդության հետ հանդիպումը բացեց ՀԲԸՄ Սիուբյան Սան Պաուլոյի մասնաճյուղի ատենապետ Հելիո Բարուկյանը, որն ընդգծեց հայկական կրթության կարևորությունը և ՀՎՀ-ի դերն այդ բնագավառում: Այնուհետև Դր. Չորյանը ներկայացրեց ՀՎՀ պատմությունն ու գործունեության շրջանակները, ինչպես նաև ՀՎՀ-ի «Հայկական լեռնաշխարհ» նոր մուլտիմեդիա էլեկտրոնային գիրքը:



ՀՎՀ շնորհանդեսը Սան Պաուլոյում

Հանդիպմանը ներկա ՀՎՀ նախկին ուսանող Մարիանա Մեքսեբյանը ներկաների հետ կիսվեց իր փորձով ու ՀՎՀ-ից ունեցած տպավորություններով: ՀԲԸՄ Սան Պաուլոյի վարչության անդամ Հրայր Շահինյանը բարձր գնահատեց ՀՎՀ-ի զգալի ներդրումը ողջ աշխարհում հայկական կրթության հասանելիության գործում: Հանդիպմանը ներկա էին նաև ՀՀ հյուպատոս Տիրուհի Բուրմանյանը և ՀԲԸՄ Սան Պաուլոյի մասնաճյուղի նախկին ատենապետ Գրիգոր Մանուկյանը: Այցի ընթացքում Դր. Չորյանն առիթ ունեցավ նաև հանդիպելու Բրազիլիայի հոգևոր առաջնորդ Տաթև արքեպիսկոպոս Դարիբյանին, ինչպես նաև Դուբայի դպրոցի տնօրեն Տեր Եզնիկ Գյուլբեյանին: Դուբայի դպրոցը հայոց լեզվի և պատմության դասավանդման գործում արդեն մի քանի տարի է որդեգրել է ՀՎՀ-ի հիբրիդ մեթոդը: ՀՎՀ նախագահը ողջունեց դպրոցի արդյունավետ մասնակցությունը ՀՎՀ հիբրիդ ծրագրին՝ նշելով, որ այն կարող է օրինակ ծառայել հայկական այլ դպրոցների համար: Դպրոցն ընդլայնել է ՀՎՀ դասընթացների կիրառումը՝ դրանք առաջարկելով համայնքի ավագ անդամներին: Այցի շրջանակներում Դր. Չորյանը հարցազրույց ունեցավ Սարգիս Կարամեկյանի հետ Սան Պաուլոյի Էտերնա հայկական ռադիոյի համար: ՀԲԸՄ Սան Պաուլոյի վարչության ամենաակտիվ անդամներից մեկը՝ Ռաֆայել Բարուկյանը ստանձնեց Բրազիլիայում ՀՎՀ պաշտոնական ներկայացուցչի դերը:

### ԴԱՆԻԱ

ՀՎՀ նախագահի հաջորդ հանգրվանը Դանիան էր, որտեղ նա հանդիպում ունեցավ տեղի մի շարք հայկական կազմակերպությունների ներկայացուցիչների հետ: Դրանց թվում էր Amstream-ը, երիտասարդ կազմակերպություն, որի նպատակն է Դանիայի և Հայաստանի միջև համագործակցության նոր ուղիների ստեղծումը կրթության, գիտության, բիզնեսի և մշակույթի բնագավառներում: Amstream-ի գործադիր տնօրեն Տաթևիկ Ռևազյանը ներկայացրեց ներկայիս ծրագրերն ու հետագա նախագծերը: Խոսելով ՀՎՀ-ի մասին, Տաթևիկն ասաց. «Արդի նորարարական տեխնոլոգիաների վրա հիմնված այս հաստատությունը մեծ ձեռքբերում է Հայաստանի համար, իսկ աշխարհասփյուռ հայերի համար շատ օգտակար կլինի ՀՎՀ-ի օնլայն դասընթացներին մասնակցելը»: Օգտվելով առիթից նա հրավիրեց ՀՎՀ-ին մասնակցել Եվրոպայի խոշորագույն գիտական միջոցառումներից մեկին՝ EuroScience Open Forum-ին (ESOF), որը տեղի կունենա հունիսի վերջին Դանիայի մայրաքաղաք Կոպենհագենում: Այսպիսով, ՀՎՀ-ն, երկու այլ կազմակերպությունների հետ, կներկայացնի Հայաստանը ESOF-ում: Դր. Չորյանն իր հերթին խոսեց ՀԲԸՄ երիտասարդական ծրագրերի մասին, ինչպես նաև ներկայացրեց ՀՎՀ գործունեությունն ու ծրագրերը:



Դր. Չորյանը Տաթևիկ Ռևազյանի և Amstream-ի ներկայացուցիչների հետ

Ստեղծելով նաև հանդիպում DanArmen հայկական կազմակերպության ներկայացուցիչների հետ: DanArmen-ի փոխնախագահ Աննա Կարապետյանը ներկայացրեց կազմակերպության գործունեությունը, խոսեց հայկական համայնքի կրթական կարիքների մասին: Դր. Չորյանն իր հերթին խոսեց ՀՎՀ-ի ծրագրերի մասին, որոնք թերևս լավագույնս կարող են բավարարել տեղի հայ համայնքի կրթական կարիքները: Դանիայի մոտավորապես 3,000 հայերը կարող են մեծապես օգտվել ՀՎՀ-ի կրթական ժամանակակից այս մեթոդից: Օրինակ, ՀՎՀ-ի հիբրիդ ծրագիրը, որը հաջողությամբ միաձուլում է օնլայն և ավանդական կրթության մեթոդները, կարող է Դանիայի հայերին հավաքել մեկ տանիքի տակ՝ դառնալով հզոր գործիք, թե՛ համայնքին էլ ավելի միավորելու և թե՛ համայնքի կրթական կարիքները հոգալու հարցում:

## ՀԱՅԿԱԿԱՆ ՎԻՐՏՈՒԱԼ ՀԱՄԱԼՍԱՐԱՆԸ ՆԵՐԿԱՅԱՑՆՈՒՄԷ ՆՈՐ ԹՎԱՅԻՆ ԳՐՔԵՐԻ ՇԱՐՔ



Հայկական փորձը վերաիմաստավորելով

ՀՎՀ-ի Նոր Թվային Գրքերի Շարք

### ՀԱՅԿԱԿԱՆ ԼԵՌՆԱՇԽԱՐՀ

ԱՆՎՃԱՐ ՆԵՐԲԵՌՆՈՒՄ

Բացեք մի նոր էջ...

## ՀԱՅԿԱԿԱՆ ՎԻՐՏՈՒԱԼ ՀԱՄԱԼՍԱՐԱՆԸ ՀԱՅՏԱՐԱՐՈՒՄԷ ԱՄԱՌ - 2014 ՈՒՍՈՒՄՆԱԿԱՆ ՇՐՋԱՆԻ ՄԿԻՁԲԸ

ՀԲԸՄ Հայկական վիրտուալ համալսարանը (ՀՎՀ) ուրախությամբ տեղեկացնում է, որ մեկնարկել է 2014թ.-ի Ամառային ուսումնական շրջանի գրանցումը: Ներքոնշյալ դասընթացները ներկայացվում են բազմաթիվ լեզուներով (արևելահայերեն, արևմտահայերեն, անգլերեն, ֆրանսերեն, ռուսերեն, իսպաներեն և թուրքերեն) և տարբեր մակարդակներով:

- [արևելահայերեն:](#)
- [արևմտահայերեն:](#)
- [հայոց պատմություն:](#)
- [հայկական ճարտարապետության ներածություն:](#)
- [հայկական երաժշտության ներածություն:](#)
- [շախմատի ծրագիր:](#)

Գրասերը կսկսվեն հուլիսի 21-ին և կավարտվեն սեպտեմբերի 23-ին:

Գրանցվելու համար այցելեք ՀՎՀ-ի կայքը [www.avc-agbu.org](http://www.avc-agbu.org), ստեղծեք Ձեր [մուտքանունը](#) (log-in) և լրացրեք [գրանցման հայտը](#):

Գրանցման ժամանակաշրջանը կավարտվի 2014թ. հուլիսի 6-ին:

## ԱՄԱՌԱՅԻՆ ՈՒՍՈՒՄՆԱԿԱՆ ՇՐՋԱՆ 2014

### Փորձեք հիմա...

- Հայոց Լեզու
- Հայոց Պատմություն
- Ճարտարապետություն
- Երաժշտություն
- Շախմատ

Դասընթացներն առաջարկվում են 7 լեզուներով